

Guichard le Grand, lequel messire Guillaume eust trois femmes, la premiere estoit madame, dame de Villedieu.

La seconde se nomma dame Agnes de saint Germain, à laquelle appartenoit la moytié de la seigneurie de Lestours, par indivys, et l'autre moytie a madame Jane de saint Germain, qui fut marye au seigneur de saint Lagier, nommee messire Jehan de Laye. Et despuys fut faict plaige de ladite seigneurie de Lestours entre les dessusdits. Ladite dame Agnes de saint Germain avait premierement este conjointe par mariage avec le seigneur Pallatin, comte de Diou. Toutesfoys, mondit seigneur Guillaume de Beaujeu, seigneur dAmpluys neust aucuns enfans desdites deux premieres femmes.

Et apres eust en tierces nopces madame Marguerite de.... fille du seigneur de la Gorsse, de laquelle il engendra messire Eddouard et messire Guichard de Beaujeu. Lequel messire Eddouard espousa madame Jaqueline Limieres, sa cousine en tiers, seulle heritiere de messire Jehan de Limieres. Et dicelle, madite dame Jaqueline, ledit seigneur Eddouard eust plusieurs enfans. Le premier fut nomme messire Francoys, lequel espousa en premieres nopces dame de Coulant, et, en secondes, il eust a femme madame Francoyse de Meilhe, a present madame dAumont; desquelles ledit seigneur Francoys de Beaujeu, seigneur de Limieres, neust aucuns enfans vians; le deuxiesme des enfans dudit seigneur Eddouard, filz de messire Guillaume, se nomme Jaques a present seigneur de Beaujeu (Linieres?) lequel espousa dame Jaqueline Juvenal des Ursins, fille de messire Guillaume Juvenal des Ursins, chancelier de France, a laquelle dame advindrent toutes les terres de Champaigne et de Berry, parce que messire Jehan Juvenal des Ursins, seigneur de Tocynel, et messire Jehan Juvenal des Ursins, seigneur de Lamothe, moururent sans hoirs descendans de leurs corps. Lesdites terres et seigneuries sont la baronnye de Tornyel et de Marigny, la vicomte